

## Pitanja i odgovori koji će vam pomoći da planirate svoje vjenčanje u Vermontu

### 1. Ko se može vjenčati u Vermontu?

Građanskom vjenčanju u Vermontu mogu pristupiti dvije osobe starosti od najmanje 18 godina.

### 2. Postoje li neka druga ograničenja za sklapanje braka?

Osobe koje imaju staratelje ne mogu stupiti u brak bez pisane saglasnosti staratelja. Vermont takođe ne dozvoljava sklapanje braka između većine bliskih rođaka. Ne možete stupiti u brak sa roditeljem, roditeljem vaših roditelja, sestrom, bratom, djetetom, unukom, nećakom, tetkom ili ujakom. Ne možete stupiti u brak ako je bilo koje od vas trenutno vjenčano s nekim drugim ili ako je jedno od vas stupilo u građansku zajednicu s nekim drugim. Zakon propisuje da obje strane budu zdrave pameti.

### 3. Da li nam je potrebna dozvola za vjenčanje? Moramo li uraditi krvne pretrage?

Biće vam potrebna dozvola ali ne morate raditi pretrage krvi i ne postoji period čekanja.

### 4. Gdje možemo dobiti dozvolu za vjenčanje i koliko ona košta?

Dozvolu za vjenčanje možete dobiti kod službenika u gradskoj administraciji Vermonta i ona košta 80 USD. Dozvola vrijedi 60 dana od datuma izdavanja. Tokom tog vremena, ovlaštena osoba mora obaviti ceremoniju vjenčanja. U suprotnom, dozvola je nevažeća.

### 5. Koje informacije moramo dostaviti kako bismo dobili dozvolu za vjenčanje?

Osim osnovnih informacija o vama (vaša imena, prezimena, mjesta prebivališta, mjesta i datumi rođenja), takođe morate dostaviti imena i prezimena vaših roditelja, uključujući djevojačko prezime vaše majke, kao i njihova mjesta rođenja. Ovjerene kopije vaših rodnih listova mogu pružiti većinu ovih informacija. Osim toga, od vas će se tražiti da navedete broj prethodnih brakova i građanskih zajednica, i na koji način su se oni okončali. Ove informacije su povjerljive i ne čine sastavni dio vjenčanog lista. Zakonima Vermonta je propisano da obje strane moraju potpisati zahtjev te tako potvrditi tačnost dostavljenih informacija. Službenik gradske administracije će pregledati vaš zahtjev kako bi se uvjerio da informacije koje ste dostavili ne ukazuju na to da vam je zabranjeno vjenčanje u Vermontu, kao i da bi se uvjerio da su ga obje strane potpisale. Potom će službenik gradske administracije izdati dozvolu ako bar jedno od vas potpiše dozvolu u njegovom prisustvu.

### 6. Šta ako je jedno od nas prije bilo vjenčano ili u građanskoj zajednici?

Ako je vaš suprug, supruga ili partner iz građanske zajednice umro, možete se vjenčati. Službenik gradske administracije će zatražiti od vas datum smrti vašeg supružnika ili partnera iz građanske zajednice. Ako ste razvedeni, možete se ponovo vjenčati nakon datuma kada je vaš prethodni brak ili građanska zajednica zakonski prekinuta. Ako ste partneri u građanskoj zajednici koja već traje, nemate prepreka za vjenčanje.

### 7. Može li se dozvola izdati putem pošte? Može li nas vjenčati punomoćnik?

Ne. Dozvola za vjenčanje se ne može izdati putem pošte i ne može vas vjenčati punomoćnik.

## 8. Gdje se možemo vjenčati?

Uz važeću dozvolu iz Vermonta, možete se vjenčati bilo gdje u Vermontu, ali samo u Vermontu.

## 9. Ko nas može vjenčati? Da li nam je potreban svjedok?

Sudija vrhovnog suda, sudija višeg suda, okružni sudija, ostavinski sudija, pomoćni sudija, mirovni sudija ili zaređeni ili licencirani član sveštenstva koji živi u Vermontu može obaviti ceremoniju vjenčanja. Svešteno lice koje živi u susjednoj državi ili zemlji vas može vjenčati ako se njegova ili njena crkva, hram, džamija ili druga vjerska organizacija nalaze u cijelosti ili djelimično u Vermontu. Član sveštenstva koji živi u nekoj drugoj državi ili u Kanadi vas može vjenčati ako prethodno pribavi posebno ovlaštenje ostavinskog suda u okrugu u kome će se vjenčanje obaviti. Osim toga, svaka osoba koja je starija od 18 godina se može registrovati kod državnog sekretara kako bi postala privremeni službenik za obavljanje ceremonije vjenčanja. Osoba koja je ispunila zahtjev za registraciju i koja je platila naknadu za registraciju u iznosu od 100 USD, dobiće uvjerenje kojim se daje ovlaštenje toj osobi da sklopi određeni brak u Vermontu. Ovlaštenje tog pojedinca za sklapanje tog braka ističe u isto vrijeme kada i odgovarajuća dozvola. Za više informacija o registraciji privremenog službenika, posjetite <https://sos.vermont.gov/> ili pozovite 802-828-2363. Zakoni Vermonta ne zahtijevaju prisustvo svjedoka ali, ako planirate vjersku ceremoniju, provjerite da li vjerski običaji nalažu prisustvo svjedoka.

## 10. Šta radimo sa dozvolom? Šta se dešava nakon ceremonije?

Po zakonu, da bi se vjenčanje obavilo, obje strane moraju potpisati dozvolu i uručiti je osobi koja će obaviti ceremoniju vjenčanja. Nakon ceremonije, osoba koja je obavila ceremoniju (službenik) će popuniti dio koji se tiče datuma, mjesta i unijeti informacije o sebi, te potpisati vašu dozvolu. U tom momentu, dozvola postaje vjenčani list (uvjerenje iz matične knjige vjenčanih). Službenik mora vratiti tu dozvolu u gradsku administraciju u kojoj je izdata u roku od 10 dana nakon vjenčanja, tako da vaš brak može biti zakonskih registrovan. Ako se taj službenik registrovao kod državnog sekretara kao privremeni službenik, uz potpisano dozvolu treba priložiti i primjerak uvjerenja o punomoći koje mu je izdao državni sekretar, i sve vratiti u kancelariju službenika.

## 11. Kako možemo dobiti primjerak našeg vjenčanog lista?

Kada platite dozvolu za vjenčanje, možete se dogovoriti sa službenikom gradske administracije da vam pošalje poštom ovjereni primjerak potvrde čim vaš brak bude registrovan. Troškovi iznose 10 USD za ovjereni primjerak zajedno sa 80 USD za kupovinu dozvole (10 USD + 80 USD = 90 USD). Ili, dvije ili više sedmica nakon ceremonije, možete zatražiti, lično ili pisanim putem, dodatne primjerke u kancelariji gradske administracije u kojoj ste kupili dozvolu, za istu naknadu od 10 USD. Ili, nakon šest ili više sedmica poslije ceremonije, možete zatražiti, lično ili pisanim putem, ovjereni primjerak od Matične službe u Ministarstvu zdravlja Vermonta, uz naknadu od 10 USD. U svakom slučaju, dobićete primjerak originalne potvrde, u koju će biti utisnut žig grada ili države, koju će potpisati i datirati ovlašteno službeno lice.

*Ažurirano 1. jula, 2023.*